

Matin riyôû

Come in.ne anéyé a råde passé !
V'la d'ja l' tamboûr qui nos rapèle !
Létâré ! mambournèz l' pavè,
Djîle qui dèspûs lômint pèstèle...

Èl brût infèle dins tous lès cwins
makètes, mawotes 'yèt clarinètes,
garlots, chabots, sounètes, roûl' mints
r' mouv' tè balots 'yèt colèrètes.

Ène masse dè djins tout-agalis
swîv' tè fèl' mint èl rabind'lâdje
pindant qu' lès cos, tout imbancis,
n' tchant' tè nîⁿ co dins tout l' vilâdje.

L' èstwalî rit, i va fét bon,
il-a come in kèrtin d' èstwales
dèsvûdî ô d' zeûr du coron...
Mars poûsse a r'louye su sès pèdales !

mambournér : *brutaliser* / makète : *baguette de tambour* / mawote : *mailloche* /
(è)r'mouvér : *remuer* / agali : *réjoui* / imbanci : *engourdi* / (è)stwalî : *ciel* / a
r'louye : *avec vigueur*

Christian Quinet – La Louvière